



Wat sê die mees geleesde teks van die Bybel oor die jaar 2024?

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Indien jy moet terugdink sou dit vir jou moontlik wees om aan te dui watter Bybelteks of -gedeelte vir jou die meeste in 2024 beteken het? As jy in staat sou wees om dit te kan antwoord, sou dit 'n baie insiggewende prentjie verskaf op die ervaring van jou jaar en jou geloof te midde van alles wat gebeur het. Dit sou vir jou wys hoe jy die Woord van God laat inspreek het in jou lewe en in jou omstandighede.

Vir gewone Bybellesers is dit nie so maklik om bloot uit jou geheue die mees betekenisvolle teks in 'n gegewe jaar aan te dui nie. Die antwoord van die vraag is egter makliker vir gebruikers van aanlynweergawes van die Bybel. Daardie toepassings maak gebruikers se besigwees met 'n teks makliker naspeurbaar.

Aangesien daardie data beskikbaar is, het YouVersion se Bybeltoepassing (die grootste Bybeltoepassing ter wêreld) die gebruik om aan die einde van elke jaar 'n teks van die jaar aan te wys. Hulle wys dié teks aan op grond van die teks wat die meeste gesoek, gelees, gestoor en gedeel is oor die meer as 750 miljoen toestelle waarop hul toepassing afgelaai is.

YouVersion se Bybeltoepassing bevat meer as 3 000 vertalings van die Bybel in 2 182 tale, onder andere ook Afrikaans. Dit was die breinkind van Bobby Gruenewald wat die innovasieleier was van die megakerk Life Church van Edmond in Oklahoma in die VSA.

Soos in die verlede het hierdie toepassing ook aan die einde van 2024 die teks van die jaar aangekondig. 2024 was dit Filippense 4: 6: *Moet oor niks besorg wees nie, maar maak in alles julle begeertes deur gebed en smeking en met danksegging aan God bekend.* Dié teks oor die hantering van bekommernis het Jesaja 41: 10 uit die nommer een posisie geskuif – ook 'n teks wat oor die hantering van bekommernis handel: *Moenie bang wees nie, Ek is by jou, moenie bekommerd wees nie, Ek is jou God. Ek versterk jou, Ek help jou, Ek hou jou vas, met my eie hand red Ek jou.* Hierdie teks uit Jesaja was drie maal in die laaste vyf jaar die gewildste teks.

Die feit dat Filippense 4: 6 die gewildste teks was, dui die impak van die gebeure regoor die wêreld in 2024 op mense se gemoed aan. Die voortslepende oorlog in die Oekraïne, die opvlamming van die konflik in die Midde-Ooste, die onsekerheid wat verkiesings in soveel lande gebring het en die duideliker impak van die ekologiese krisis het Christene van oor alle tradisies na hulle Bybels laat gryp om vanuit die Woord van God krag en rigting te vind. Miljoene mense het vertroosting in Paulus se woorde oor onsekerhede en krisistye gevind en hul menslike bekommernis in gebed voor God neergelê.

En dalk is hierdie gewildste teks van 2024 ook vir ons opnuut weer 'n rigtingwyser vir die onsekerhede wat in 2025 oor ons pad mag kom. Ons kan alles wat soveel onvrede in ons harte en gemoed bring, in gebed na God toe neem terwyl ons in dankbaarheid weet dat Hy luister.

Ds Hannes van der Merwe
Pretoria-Oos

Lief en leed



Dr Willie Strydom

- **Dr WA (Willie) Strydom** is Dinsdag 14 Januarie oorlede. Sy troosdiens sal op Vrydag 17 Januarie om 14:00 te Gemeente Eikenhof plaasvind. Ons bid vir vertroosting vir sy vrou, Erika, en hul familie.



Prof Tanya van Wyk

- **Mev Marie Bloem**, eggenote van wyle dr GN (Gerrie) Bloem, sterk tans aan nadat sy geval het en verlede Dinsdag 'n heupvervanging ondergaan het. Die Kerk bid haar 'n spoedige herstel toe.
- **Prof T (Tanya) van Wyk** is met ingang van Januarie 2025 bevorder tot die pos van departementshoof van die Departement Sistematiese en Historiese Teologie by die Universiteit van Pretoria.
- **Prof AB (Ananda) Geyser-Fouché** is met ingang van Januarie 2025 bevorder tot volle professor by die Universiteit van Pretoria.

- **Die volgende predikante verjaar tot 24 Januarie 2025, en word hartlik geluk gewens:**

- Vrydag 17 Januarie: Ds CJ (CJ) van Wyk (58) (Alberton)
- Sondag 19 Januarie: Di IM (Retha) Losper (35) (Suidoos-Witbank), en MJ (Martin) Slabbert (53) (Philadelphia)
- Dinsdag 21 Januarie: Dr J (Johan) Nel (64) (Bloemfontein-Wes/dosent), en ds GS (Stephen) de Beer (64) (emeritus/Noordwestelike Pretoria)
- Woensdag 22 Januarie: Ds WJ (Willem) Slabbert (78) (emeritus)
- Donderdag 23 Januarie: Dr WC (Wouter) van Wyk (62) (Sinodaal)
- Vrydag 24 Januarie: Ds HMJ (Marius) Kramer (40) (Krugersdorp-Oos)




Prof Ananda Geyser-Fouché

Gemeentes en bediening

- Enige saak wat volgens die Kerkorde onder die aandag van die **Moderamen** gebring moet word, moet mev Karen Breedt (karen@nhk.co.za) asseblief **teen 27 Januarie** bereik **vir 7 Februarie** se Moderamenvergadering. **Geen laat sake** sal in die agenda opgeneem word nie.
- **Ringskommissies** word herinner aan die **Inligting- en Besprekingsvergadering** van **20 Februarie** te Gemeente Pretoria-Oos.
- **Ds JJ (Joseph) Steyn** (beroepafwagtend) het 'n beroep na Klerksdorp-Suid (deeltyds) ontvang. Hy het die beroep aanvaar en word op 26 Januarie daar bevestig.
- **Ds L (Lynette) Lötter** (beroepafwagtend) het 'n beroep na Vryheid (deeltyds) ontvang. Sy het die beroep aanvaar en word op 19 Januarie daar bevestig.
- **NGK Gemeente Roodepoort-Oos** (Veranderde Lewens) se **orrel is te koop**. Kontak asseblief die kantoor by 011 760 2669 vir meer inligting.



Ds Joseph Steyn



Ds Lynette Lötter

65ste ampsjubileum: prof Johan Koekemoer

Die seldsame voorreg gaan prof Johan Koekemoer te beurt val om op 26 Januarie 2025 sy 65ste ampsjubileum tydens 'n erediens in die kerkgebou van Gemeente Wapadrant te herdenk. Tydens hierdie geleentheid sal prof Johan Buitendag, ook 'n vorige dekaan van die Fakulteit Teologie, die huldiging behartig waarna prof Koekemoer 'n kort bedanking sal doen.

Prof Koekemoer is op 25 November 1959 gelegitimeer en op 23 Januarie 1960 in die Gemeente Turffontein georden waarna hy die gemeentes Bethal (1963), Zuurfontein (1965) en Pretoria-Suid (1972) bedien het. In 1978 is hy as direkteur van KITAL (Kerklike Instituut vir die toerusting van ampsdraers en lidmate) aangestel. In 1987 het hy hoogleraar geword en is in 1992 bevorder tot dekaan van die Teologiese Fakulteit Afd A aan die Universiteit van Pretoria. Hy het in 2001 emeritaat aanvaar.



NGK Gemeente Roodepoort-Oos orrel

Na 'n huwelik van 61 jaar het prof Koekemoer se eggenote, Issie (nèe Symington) hom op 21 November 2021 ontval. Drie seuns is uit die huwelik gebore en hulle is met sewe kleinkinders geseën. Prof Koekemoer is tans 89 jaar oud en geniet nog goeie gesondheid. Hy woon selfstandig en gelukkig in die Ruimtesig-Aftreeoord in Faerie Glen, Pretoria.

Die volledige teks van die huldiging sal na afloop van die geleentheid **hier** gelees kan word.

Vergaderings

- Maandag 20 Januarie: Bestuurskomitee
- Dinsdag 21 Januarie: Amptelike opening van die Sinodale Dienssentrum
- Woensdag 22 Januarie: ADV Finkom
- Vrydag 24 Januarie: Beleggingskomitee

Hervormde Teologiese Kollege

- Die **opening van die HTK** vind op **19 Februarie om 10:00** by **Gemeente Philadelphia** plaas. Die prediker is **dr André Ungerer**. **Prof Jaco Beyers** en **dr Thinus van Staden** lewer groeteboodsappe **namens die Fakulteit en die Kuratorium**. **Vyf ouderlinge** van die NHKA is by dié geleentheid ook die ontvangers van die **Diploma in Bediening** wat deur mnr Gustav Janse van Rensburg en ds Bouwer Serfontein oorhandig sal word. 'n Vingerete word na afloop van die verrigtinge in die saal bedien. Almal is welkom en belangstellendes wat die oggend wil bywoon, moet by mev Clarika Hattingh – **clarikah@nhk.co.za** – bevestig.

Kerklike en ander publikasies

BOEKWINKEL-PROMOSIE

R200 VIR ALBEI

SKRIFBESKOUING **HERVORMDE KERKREG**

Bestel van mev Sarie Roux by boekwinkel@nhk.co.za

R250

GESKIEDENIS VAN DIE HERVORMDE KERK 1824-2024

Ontdek die ryk geskiedenis van die Hervormde Kerk van 1824 tot 2024. Hierdie nuwe publikasie van prof Wim Dreyer bied 'n diepgaande blik op twee eeue van selfstandige kerkwees en die kragtige geloofsband tussen die Hervormde Kerk en die gedeelde geskiedenis van die Afrikaanse susterskerke.

'n Moet-lees vir elkeen wat belangstel in kerkgeskiedenis!

Beskikbaar by mev Sarie Roux by boekwinkel@nhk.co.za

DRUMPELS en DROME

ELRITIA LE ROUX

- **Dr Elritia le Roux**, voormalige predikant van die NHKA en tans gemeentedominee in Duitsland, se debuutroman, **Drumpels en Drome**, het onlangs verskyn. Lees gerus **hier** 'n **boekresensie** deur ds Daniel Steinmann.

- Die **Bybelse Dagboek/Almanak 2025** is beskikbaar by die Sinodale Dienssentrum se boekwinkel in Derdepoort. Bestellings kan steeds geplaas word by mev Sarie Roux, by boekwinkel@nhk.co.za.



Bybelse Dagboek / Almanak 2025
R200 (versending uitgesluit)

Kry belangrike inligting oor die Hervormde Kerk en 'n inspirerende Bybelse dagboek in een omslag


Bestel by boekwinkel@nhk.co.za

JESAJA – Die HERE is Verlosser

Soms word na die boek Jesaja as die vyfde Evangelie verwys omdat die profesieë oor hoop vir die toekoms handel en die boodskap tydloos tot omstandighede in elke eeu kan spreek. Die werk is as 'n Bybelstudiehandleiding geskryf en bestaan uit 35 lesse. Die publikasie kan ook baie goed gebruik word vir die voorbereiding van preke. Elke hoofstuk word ook toegelig met Bybelse argeologiese inligting.

Die werk verskyn in drie publikasies:

- Digitale kleur-illustrasies: R300 (197 bladsye)
- Riso-kleur-illustrasies: R250 (197 bladsye)
- Sonder illustrasies: R160 (160 bladsye)



Bestellings by: Ds Neels van Tonder.

e-pos: nvtonder@vodamail.co.za

Selfoon: 072 633 3367

'n Gedig

Elders reënweer en koud

geteister lê ek en wag
dat die stralende son onder-
gaan – hierdie lang somersdag
laat my oor die hemel wonder

dáár wag 'n mens glo verniet
dat dit droewig sal donker word
dat 'n ster sielig verskiet
of dat die reën vertroostend stort

(lees maar wat sê Johannes
die heldersiene Apostel)
dáár gaan ons swaarmoediges
eindeloos met mooiweer worstel

Daniël Hugo

Uit: *Ons klein en silwerige planeet*, JL Marais en A Zuiderent, 1997)

Fondsinsamelings

- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parking en 24-uur-sekuriteit. **Vir navrae oor tariewe en vir besprekings,** kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.
- **Hervormde Tienerskamp:** Kom kamp die naweek van **14-16 Februarie 2025** by Adventure Peaks in Zwavelpoort, Pretoria. Die koste beloop R850 (deposito R250).

Rekeningbesonderhede

Rekeningnaam: NHGPO

Instansie: ABSA

Rekeningnommer: 540580723

Verwysing: HSK + naam + van

Stuur bewys van betaling van deposito na rue@pretoriaoos.com om jou plek te bespreek.
Navrae: Ds Rue Hopley (079 502 1990).

Toerusting



Departement van Teologie
in samewerking met die
NHKA
NEDERDUTSCH HERVORMDE KERK VAN AFRIKA

Diploma in Bediening Deeltydse studies

Ten volle geakkrediteerde kwalifikasie: NQF Vlak 6
SAQA ID: 96454; aantal krediete 379; 5 jaar deeltjys



Toelatingsvereistes
Nasionale Senior Sertifikaat met toegang tot diplomastudies, of gelykwaardige kwalifikasie

"Hierdie kwalifikasie is veral geskik om lidmate, kerkraadslede en kategete toe te rus vir dienswerk binne en buite die kerk."

Inskrywings vir Februarie 2025 kan nou gedoen word.

Maak 'n verskil in die Koninkryk van God

Navrae: Dr Deon du Toit
E-pos: ministry@skillspro.co.za
Selnommer: 082 894 5751

Studentesake

- **Eerstejaarskamp:** Welkom aan alle **2025-Maties!** Kom woon gerus ons aanvangskamp by. Eerstejaar of senior, almal is welkom.
Datum: **26 tot 28 Januarie 2025.**
Plek: Jeugkampterrein net buite Stellenbosch, omring deur berge en wingerde. Ons kom 26 Januarie om 14:00 by die kerkgebou byeen.
Koste is R350 per persoon, die kerkraad subsidieer die res van die koste. Kontak ons gerus, en ons stuur dan al die besonderhede: dr Chris le Roux by cleroux@mweb.co.za, 079 495 3239, of Elizabeth Rossouw, by 081 833 7022.

STUDENTEBEHUISING IN PRETORIA

De Goede Hoop-koshuis is geleë in Hatfield, en is meer as net studenteverblyf. Hier skep ons werklik 'n huis weg van die huis vir ons studente. Hier kan hulle hulself uitleef, lewenslange vriendskappe vorm en die nodige vaardighede ontwikkel om as 'n dinamiese en selfstandige jongmens die wêreld aan te pak!

Word nou deel daarvan en doen aansoek op ons webblad <https://degoedehoop.co.za/doen-aansoek/> of skakel 079 500 7500 of stuur 'n e-pos na admin@tukiestate.co.za



- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na stellenbosch@nhk.co.za vir meer inligting.
- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na nhkphiladelphia@gmail.com vir meer inligting.

Barmhartigheid

- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Yvonne Willemse of matrone Jenny Wesson by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
 - Eenslaapkamer: R515 000
 - 1½-slaapkamer: R520 000
 - Tweeslaapkamer: R560 000

Die volgende eenheid is te huur:

- Enkelwoonstel (eenmenswoonstel)
- Eenslaapkamerwoonstel

Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. Deposito van twee maande huur betaalbaar. Vir meer besonderhede, skakel Frik Rossouw by 082 830 6591.
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deeltkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbriëf

Die koste van advertensies is **R250 per plasing (BTW ingesluit)**. Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal. Meer besonderhede oor advertensies kan aangevra word van taal@nhk.co.za.

Gebed vir die week

Vader,

Ek is opgewonde oor 'n nuwe jaar, en ek wil dit met vrymoedigheid en selfvertroue binnegaan. Ek moet egter eerlik wees; ek is onseker oor wat die jaar gaan inhou – en dit verontrus my.

Deurgrond my, o God, en ken my hart.

Help my asseblief om my verwagtinge vir hierdie jaar aan U te oorhandig. Vernuwe my denkpatrone namate ek nader aan U kom.

Deurgrond my, o God en bring my hart in ooreenstemming met u hart.

Help my om te onthou wat ek alreeds met u hulp oorkom het, terwyl ek die planne wat U vir my het, nastreef.

Deurgrond my, o God, en genees my hart.

Ek weet U hou my in die palm van u hand, wat hierdie jaar ook al inhou. Niks is vir U onmoontlik nie!

Rig my weer op, Vader, en vernuwe my.

In die Naam van Jesus.
Amen.

<https://blog.youversion.com>



Redakteur:
Subredakteurs:
Koördineerder:
Uitlegkunstenaar:
Joernalis:

Dr Johan van Staden
Ds Etienne Fourie en dr Annelie Botha
Mej Sanet du Plessis
Mnr Hugo van Niekerk
Prop Iwana Hartmann